

Bosna i Hercegovina  
FEDERACIJA BOSNE I HERCEGOVINE  
**AGENCIJA ZA NADZOR OSIGURANJA**  
**FEDERACIJE BOSNE I HERCEGOVINE**  
S A R A J E V O

Na osnovu čl. 129. i 130. Zakona o osiguranju („Službene novine Federacije BiH”, broj 23/17), čl. 7. i 9. Zakona o posredovanju u privatnom osiguranju („Službene novine Federacije BiH”, br. 22/05, 8/10 i 30/16) i člana 12. Statuta Agencije za nadzor osiguranja Federacije Bosne i Hercegovine („Službene novine Federacije BiH”, broj 84/17), Stručni savjet Agencije za nadzor osiguranja Federacije Bosne i Hercegovine, na 10. sjednici održanoj 19. 12. 2017. godine, donio je

**O D L U K U**  
o naknadama

**I OPĆE ODREDBE**

**Član 1.**  
(Predmet)

Ovom Odlukom se utvrđuju naknade za poslovanje i postupke koji se vode u Agenciji za nadzor osiguranja Federacije Bosne i Hercegovine (u daljem tekstu: Agencija za nadzor), tarife, postupak i način plaćanja naknada Agenciji za nadzor, u postupcima primjene zakonskih i podzakonskih propisa iz oblasti osiguranja.

**Član 2.**  
(Plaćanje)

- (1) Naknada se plaća za spise i radnje iz regulatorne i nadzorne funkcije Agencije za nadzor.
- (2) Obveznik je lice po čijem prijedlogu ili zahtjevu ili u čijem interesu se poduzimaju radnje predviđene ovom Odlukom.

**Član 3.**  
(Naknada)

- (1) Naknada za poslove iz ove Odluke (u daljem tekstu: naknada) Agencija za nadzor naplaćuje u konvertibilnim markama (u daljem tekstu: KM).
- (2) Naknada za poslove propisane ovom Odlukom uplaćuje se na račun Agencije za nadzor.
- (3) Uplata naknade propisane ovom Odlukom vrši se za svaku tarifu pojedinačno.
- (4) Uplaćena naknada ne podliježe vraćanju u slučaju povlačenja zahtjeva, odustajanja od zahtjeva, kao i u slučaju njihovog odbijanja ili odbacivanja od strane Agencije za nadzor.

**II NAKNADA I TARIFA**

**Član 4.**  
(Tarifa)

Naknada se plaća po sljedećim tarifama:

## Tarifa 1.

Naknada za osnivanje i poslovanje društva za osiguranje, društva za reosiguranje (u daljem tekstu: društvo za osiguranje):

1. rješavanje po zahtjevu za izdavanje odobrenja za rad društvu za osiguranje i osnivanje podružnice društva za osiguranje koje ima sjedište izvan Bosne i Hercegovine iznosi 20.000,00 KM;
2. rješavanje po zahtjevu za izdavanje odobrenja za osnivanje podružnica u Federaciji BiH društva za osiguranje iznosi 500,00 KM;
3. rješavanje po zahtjevu za osnivanje podružnice u Republici Srpskoj iznosi 1.500,00 KM;
4. rješavanje po zahtjevu za izmjenu ili dopunu vrsta osiguranja i to na svaku vrstu osiguranja iznosi 3.000,00 KM;
5. rješavanje po zahtjevu za prekoračenje ulaganja iznosi 1.000,00 KM;
6. rješavanje po zahtjevu za ulaganja sredstava izvan Bosne i Hercegovine iznosi 3.000,00 KM;
7. rješavanje po zahtjevu za saglasnost za člana uprave ili nadzornog odbora iznosi 1.000,00 KM
8. rješavanje po zahtjevu za saglasnost za vanjsku reviziju iznosi 1.000,00 KM;
9. rješavanje po zahtjevu za posredno ili neposredno sticanje kvalificiranog udjela, uvećanje ili umanjenje, odnosno raspolaganje kvalificiranim udjelom iznosi 2.000,00 KM;
10. rješavanje po zahtjevu za prenos portfelja osiguranja iznosi 4.000,00 KM;
11. rješavanje po zahtjevu za saglasnosti za izmjene ili dopune obaveznih akata poslovne politike na koje je data saglasnost iznosi 500,00 KM za svaki akt;
12. rješavanje po zahtjevu za saglasnosti za nove akte i svaku izmjenu i dopunu ostalih akata, na koje je dobijena saglasnost iznosi 200,00 KM;
13. rješavanje po zahtjevu za pripajanje, spajanje društva iznosi 3.000,00 KM;
14. rješavanje po zahtjevu za povećanje/smanjenje osnovnog kapitala društva iznosi 1.000,00 KM;
15. rješavanje po zahtjevu za upis u registar podružnice u Federaciji BiH društva za osiguranje iz Republike Srpske iznosi 2.000,00 KM.
16. rješavanje po zahtjevu za upis u registar Agencije za nadzor iznosi 100,00 KM.

## Tarifa 2.

Naknada za osnivanje, ostajanje na snazi odobrenja za rad i poslovanje posrednika u osiguranju:

1. rješavanje po zahtjevu za izdavanje odobrenja za rad brokerskom društvu u osiguranju iznosi 3.000,00 KM;
2. rješavanje po zahtjevu za izdavanje odobrenja za rad društvu za zastupanje u osiguranju, banke i javnom preduzeću – poštanski operateri iznosi 2.000,00 KM;
3. rješavanje po zahtjevu za izdavanje odobrenja za rad brokeru u osiguranju fizičkom licu iznosi 1.000,00 KM;
4. rješavanje po zahtjevu za izdavanje odobrenja za rad zastupniku u osiguranju- fizičkom licu iznosi 500,00 KM;
5. rješavanje po zahtjevu o ostajanju na snazi odobrenja za rad brokerskom društvu u osiguranju iznosi 1.500,00 KM;
6. rješavanje po zahtjevu o ostajanju na snazi odobrenja za rad društvu za zastupanje u osiguranju, banke i javnom preduzeću – poštanski operateri iznosi 1.000,00 KM;
7. rješavanje po zahtjevu o ostajanju na snazi odobrenja za rad brokeru u osiguranju – fizičkom licu iznosi 500,00 KM;

8. rješavanje po zahtjevu o ostajanju na snazi odobrenja za rad zastupniku u osiguranju – fizičkom licu iznosi 300,00 KM;
9. rješavanje po zahtjevu za izdavanje odobrenja brokerskom društvu u osiguranju za osnivanje podružnice u Federaciji BiH iznosi 1.000,00 KM;
10. rješavanje po zahtjevu za izdavanje odobrenja brokerskom društvu u osiguranju za osnivanje podružnice u Republici Srpskoj iznosi 1.500,00 KM;
11. rješavanje po zahtjevu za izdavanje odobrenja društvu za zastupanje u osiguranju za osnivanje podružnice u Federaciji BiH iznosi 500,00 KM;
12. rješavanje po zahtjevu za izdavanje odobrenja društvu za zastupanje u osiguranju za osnivanje podružnice u Republici Srpskoj iznosi 1.000,00 KM;
13. rješavanje po zahtjevu o upisu u registar podružnice u Federaciji BiH brokerskog društva u osiguranju iz Republike Srpske po obavještenju Agencije za osiguranje Republike Srpske iznosi 500,00 KM;
14. rješavanje po zahtjevu o upisu u registar podružnice u Federaciji BiH društva za zastupanje u osiguranju iz Republike Srpske po obavještenju Agencije za osiguranje Republike Srpske iznosi 500,00 KM;
15. rješavanje po zahtjevu za suglasnosti za svaku izmjenu i dopunu akata, na koje je dana suglasnost 100,00 KM;
16. rješavanje po zahtjevu za upis u registar kod Agencije za nadzor po prijavi podataka koji se ne upisuju po službenoj dužnosti iznosi 100,00 KM.

#### Tarifa 3.

Rješavanje po zahtjevu za sticanje zvanja ovlaštenog aktuara i upis u registar iznosi 2.000,00 KM.

#### Tarifa 4.

Naknada za izdavanje ostalih akata Agencije za nadzor (izvodi iz registra, prijepisi, uvjerenja i dr.) iznosi 100,00 KM.

#### Tarifa 5.

Naknada za polaganje stručnog ispita:

1. Za zastupnika u osiguranju iznosi 180,00 KM;
2. Za brokera u osiguranju iznosi 250,00 KM;
3. Za ovlaštenog aktuara iznosi 1.000,00 KM.

#### Tarifa 6.

Godišnju naknadu za nadzor nad poslovanjem plaćaju:

1. Društvo za osiguranje sa sjedištem u Federaciji Bosne i Hercegovine, podružnice u Federaciji Bosne i Hercegovine društava za osiguranje sa sjedištem u Republici Srpskoj i podružnica društva za osiguranje koje ima sjedište izvan Bosne i Hercegovine prema ukupnoj premiji ostvarenoj u Federaciji Bosne i Hercegovine u prethodnoj godini za tekuću godinu, srazmjerno učešću društava u ukupno ostvarenoj premiji, što se definiše posebnom odlukom koju donosi Stručni savjet.
2. Posrednici u osiguranju:
  - Brokerska društva u osiguranju, društva za zastupanje u osiguranju, banke i javna

- preduzeća – poštanski operateri, podružnice u Federaciji Bosne i Hercegovine društava za zastupanje u osiguranju i brokerskih društava u osiguranju sa sjedištem u Republici Srpskoj 0,5% od ostvarene provizije u prethodnoj godini za tekuću godinu , ne manje od 1.000,00 KM
- Fizička lica (obrt) 0,5% od ostvarene provizije u prethodnoj godini za tekuću godinu, ne manje od 500,00 KM.

Član 5.

(Iznosi i rokovi)

- (1) Naknadu iz člana 4. Tarifa 6. tačka 1. utvrđuje Stručni savjet Agencije za nadzor, a plaća se mjesečno, do desetog u mjesecu za prethodni mjesec.
- (2) Naknada iz člana 4. Tarifa 6. tačka 2. plaća se godišnje i to do 15. 04. za prethodnu godinu, s tim da Agencija za nadzor u toku produženja registracije utvrđuje razliku naknade ovisno o periodu registracije.
- (3) U slučaju kašnjenja s plaćanjem naknade iz st. (1) i (2) ovoga člana plaća se zatezna kamata po propisima o zateznoj kamati.

Član 6.

(Dokaz)

Uz zahtjev iz člana 4. Tarifa 1. – 5. ove Odluke podnosi se i dokaz o uplati propisane naknade.

III PRELAZNE I ZAVRŠNE ODREDBE

Član 7.

(Prestanak važenja)

Stupanjem na snagu ove Odluke prestaje da važi Odluka o naknadama i tarifama Agencije za nadzor osiguranja Federacije BiH („Službene novine Federacije BiH“, br. 16/10, 19/10 i 8/11).

Član 8.

(Stupanje na snagu)

Ova Odluka stupa na snagu osmog dana od dana objavljivanja u „Službenim novinama Federacije BiH“.

PREDSJEDNIK  
STRUČNOG SAVJETA

mr.sci. Edita Kalajdžić

Broj: 021-3476-5/17  
Sarajevo, 19. 12. 2017. godine